

ქ. გარდაბანი

15 იანვარი, 2015 წელი

ერთის მხრივ გარდაბნის მუნიციპალიტეტი (მის: ქალაქი გარდაბანი, დ. აღმაშენებლის №73), წარმოდგენილი მისი გამგებლის გარსევან ნიორაძის სახით (შემდგომში „შემსყიდველი“) და მეორეს მხრივ შპს „ხალდეს“ (მის: გარდაბანის რაიონი, სოფ. ნაგები) წარმოდგენილი მისი დირექტორის გურიელი ჯოხაძის სახით (შემდგომში „მიმწოდებელი“), საქართველოს კანონი სახელმწიფო შესყიდვების შესახებ მე-10¹ მუხლის მე-3 პუნქტის „ბ“ ქვეპუნქტისა და გარდაბნის მუნიციპალიტეტის საკრებულოს 2015 წლის 9 იანვრის №1 განკარგულების საფუძველზე გაფორმებული იქნა ხელშეკრულება შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს მომსახურებას ხელშეკრულების ფარგლებში.
- 1.6 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

- 2.1 „შემსყიდველი“ უკვეთავს, ხოლო „მიმწოდებელი“ იღებს ვალდებულებას გარდაბნის მუნიციპალიტეტის ტერიტორიის დაგვა-დასუფთავების მომსახურებაზე, დანართის შესაბამისად.
- 2.2 კლასიფიკატორის კოდი: 90600000;

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 13094.59 (ცამეტი ათას ოთხმოცდათოთხმეტი ლარი და 59 თეთრი) ლარს.
- 3.2 ხელშეკრულების ჯამური ღირებულება მოიცავს ხელშეკრულებით გათვალისწინებული სამუშაოების შესრულებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმები და ვადები

- 4.1 მიმწოდებელთან ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში.
- 4.2 ანგარიშსწორება განხორციელდება ხელშეკრულებით გათვალისწინებული გაწეული მომსახურების დამადასტურებელი დოკუმენტაციის წარმოდგენისა და შესაბამისი მიღება-ჩაბარების აქტის საფუძველზე.

4.3 ანგარიშსწორება განხორციელდება გარდაბნის მუნიციპალიტეტის გამგეობის საფინანსო-საბიუჯეტო და შესყიდვების სამსახურში შესაბამისი დოკუმენტაციის წარდგენიდან 20 კალენდარული დღის განმავლობაში;

4.4 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით განსაზღვრული შესაბამისი საგადასახადო დოკუმენტაცია.

5. მიღება-ჩაბარების წესი

5.1 მომსახურება დასრულებულად ჩაითვლება მიღება-ჩაბარების აქტის ხელმოწერის დღიდან.

5.2 შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირია გარდაბნის მუნიციპალიტეტის ზედამხედველობის სამსახური.

5.3. მიმწოდებელი და ხელშეკრულების შესრულებაზე მიმწოდებლის მხრიდან ინსპექტირების გაწევაზე უფლებამოსილი პირი პასუხისმგებელი არიან გარდაბნის მუნიციპალიტეტის გამგეობის საფინანსო-საბიუჯეტო და შესყიდვების სამსახურში წარდგენილი დოკუმენტაციის სისრულეზე და სისწორეზე

6. მომსახურების დასრულების ვადა

6.1 მომსახურების გაწევის ვადა განისაზღვროს 2015 წლის 2 იანვრიდან 1 თებერვლის ჩათვლით .

7. მხარეთა ვალდებულებები

7.1 „შემსყიდველი“ ვალდებულია:

- ა) ხელშეკრულების საგნით გათვალისწინებული მომსახურებისთვის გადაუხადოს „მიმწოდებელს“ შესრულებული სამუშაოს ღირებულება.
- ბ) კონტროლი გაუწიოს ხელშეკრულების საგნის შესრულებას.

7.2 „მიმწოდებელი“ ვალდებულია:

- ა) სათანადო ნორმების დაცვით შეასრულოს ხელშეკრულების საგნით გათვალისწინებული მომსახურება.
- ბ) თავისდროულად და წერილობით აცნობოს „შემსყიდველს“ მომსახურების შესრულებისას მოსალოდნელი შეფერხებების შესახებ.

8. ინსპექტირების პირობები

8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს გარდაბნის მუნიციპალიტეტის გამგეობის ზედამხედველობის სამსახური.

8.2 ინსპექტირების გამწევის ფუნქციები:

- ა) „მიმწოდებლის“ მიერ ხელშეკრულებით ნაკისრი ვალდებულების ხარისხსა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, მიღება-ჩაბარების აქტის გაფორმება.
- ბ) სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.

გ) „მიმწოდებლის“ მიერ ხელშეკრულებით ნაკისრი შესრულებული ვალდებულების ნაკლოვანებებს ინსპექტირების გამწვევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

8.3 „მიმწოდებლის“ მიერ ხელშეკრულებით ნაკისრი ვალდებულების შესრულებისას გამოვლენილი ყველა ხარვეზის ან ნაკლის აღმოფხვრათან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგადამტეხლო ყოველ ვადაგადავილებულ დღეზე ხელშეკრულების ღირებულების 0,1% -ის ოდენობით.

9.2 იმ შემთხვევაში, თუ დაკისრებული პირგადამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.3 პირგადამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 მხარე ვალდებულია 10.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღაზავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი - მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1 ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2015 წლის 31 მარტის ჩათვლით.

რეკვიზიტები:

„შემსყიდველი“

„მიმწოდებელი“

გარდაბნის მუნიციპალიტეტი
მის: ქალაქი გარდაბანი, დ. აღმაშენებლის №73
საიდენტიფიკაციო კოდი: № 226573204
მიმღები ბანკის სახელმწიფო ხაზინა
მიმღების დასახელება: ხაზინის ერთიანი
ანგარიში.
ბანკის კოდი: TRESGE22

შპს „ხალდეს“
მის: გარდაბნის რაიონი, სოფ. ნაკები
საიდენტიფიკაციო კოდი: 426519341
სს „ლიბერთიბანკი“
ბ.კ. № LBRTGE22
ანგარიშსწორების ანგარიში:
№GE51LB0113180122238000

გარდაბნის მუნიციპალიტეტის
გამგებუნადი მუშის მართვის
სამსახური



შპს „ხალდეს“-ს დირექტორი



ცხრილი №4

გარდაბნის რაონის მუნიციპალიტეტის ტერიტორიაზე დაგვა-დასუფთავების 2015 წლის 1 თვის მომსახურების ხარჯთაღრიცხვა

№	დასასუფთავებელი ქუჩების ჩამონათვალი ტროტუარების ჩათვლით	მომსახურების ჯერადობა	ზომის ერთეული	რაოდენობა 1000 კვ.მ.	1 თვის მომსახურება დღე	1 თვის მომსახურება ქუჩის დასუფთავებაზე მთლიანი 1000 კვ.მ	დღიური სატარიფო ანაზღაურება 1000 კვ.მ დ.ღ.გ. გარეშე ლარი	1 თვის მომსახურების თანხა მთლიან ფართზე დ.ღ.გ. ლარი
1	2	3	4	5	6	7	8	9
1	დავით აღმაშენებლის ქუჩა	2-ჯერ დღეში	1000 კვ.მ	50	62	3100	1.05	3255
2	სადგურის ქ.	1-ჯერ დღეში	1000 კვ.მ	4	31	124	1.05	130.2
3	საავადმყოფოს მოედანი	1-ჯერ დღეში	1000 კვ.მ	1	31	31	1.05	32.55
4	აღმაშენებლის პარკი	1-ჯერ დღეში	1000 კვ.მ	6	31	186	1.05	195.3
5	9 აპრილის სკვერი	1-ჯერ დღეში	1000 კვ.მ	2	31	62	1.05	65.1
6	9 აპრილის ქუჩა (ყოფილი ოქტომბრის ქ.)	1-ჯერ დღეში	1000 კვ.მ	2.5	31	77.5	1.05	81.375
7	ასათიანის ქ.	1-ჯერ დღეში	1000 კვ.მ	0.5	31	15.5	1.05	16.275
8	გამგეობის მიმდებარე ტერიტორიაზე არსებული მოედანი	1-ჯერ დღეში	1000 კვ.მ	16	31	496	1.05	520.8
9	ყოფილი მერიის მიმდებარე ტერიტორია	1-ჯერ დღეში	1000 კვ.მ	2.5	31	77.5	1.05	81.375
10	ლესელიძის ქ.	1-ჯერ დღეში	1000 კვ.მ	2	31	62	1.05	65.1
11	კოტეჯების დასახლება	1-ჯერ დღეში	1000 კვ.მ	3	31	93	1.05	97.65

12	თბილისრესის დასახლება და რეესტრის მიმდებარე ტერიტორია	1-ჯერ დღეში	1000 კვ.მ	2	31	62	1.05	65.1
13	სოფ. თელეთის, კუმისის ცენტრალური გზა	1-ჯერ დღეში	1000 კვ.მ	37	31	1147	1.05	1204.35
14	გამარჯვება ლოჭინის გზა	1-ჯერ დღეში	1000 კვ.მ	16	31	496	1.05	520.8
15	გაჩიანი- ლოჭინის გზა	1-ჯერ დღეში	1000 კვ.მ	15	31	465	1.05	488.25
16	ლოჭინი- სართიჭალის გზა	1-ჯერ დღეში	1000 კვ.მ	50	31	1550	1.05	1627.5
17	ლოჭინი- ნორიოს შემოვლითი გზა	1-ჯერ დღეში	1000 კვ.მ	15	31	465	1.05	488.25
18	ვაზიანის გადასახოვიდა ნ სამხედრო ნაწილამდე	1-ჯერ დღეში	1000 კვ.მ	8	31	248	1.05	260.4
19	ყარაჯალისა და ყარათაკლიას ცენტრალური გზა	თვეში 6- ჯერ	1000 კვ.მ	15.22	6	91.32	1	91.32
20	სოფ. კალინინოს ცენტრალური გზა	თვეში 6- ჯერ	1000 კვ.მ	64	6	384	1	384
21	კრწანისის დასახლება	თვეში 6- ჯერ	1000 კვ.მ	18	6	108	1	108
22	სოფ. ნორიოს შესასვლელი გზა	თვეში 6- ჯერ	1000 კვ.მ	25	6	150	1	150
23	სოფ. მარტყოფის შესასვლელი გზა	თვეში 6- ჯერ	1000 კვ.მ	30	6	180	1	180

24	სოფ. ახალი სოფელი შესასვლელი გზა	თვეში 6- ჯერ	1000 კვ.მ	35	6	210	1	210
25	გიგანტის დასახლება გზა	თვეში 6- ჯერ	1000 კვ.მ	15	6	90	1	90
26	ღელაშის დასახლება გზა	თვეში 6- ჯერ	1000 კვ.მ	6	6	36	1	36
27	ვახტანგის ცენტრალური გზა	თვეში 6- ჯერ	1000 კვ.მ	25	6	150	1	150
28	ჯანდარის ცენტრალური გზა	თვეში 6- ჯერ	1000 კვ.მ	25	6	150	1	150
29	ღემშენიერას ცენტრალური გზა	თვეში 6- ჯერ	1000 კვ.მ	20	6	120	1	120
30	ნაგების ცენტრალური გზა	თვეში 6- ჯერ	1000 კვ.მ	16	6	96	1	96
31	კაპანახის ცენტრალური გზა	თვეში 6- ჯერ	1000 კვ.მ	14	6	84	1	84
	ჯამი			540.72	667	10606.82		11044.695
	საწარმოო დასამუშავებელი ხარჯები	თვეში ერთხელ				1	52.42	52.42
	ჯამი							11097.115
	დ.დ.გ. 18 %							1997.4807
	მთლიანი დანახარჯების ჯამი დ.დ.გ-ის ჩათვლით							13094.5957



ს ა ქ ა რ თ ვ ე ლ ო

გარდაბნის მუნიციპალიტეტის საკრებულო

გ ა ნ კ ა რ გ უ ლ ე ბ ა №1

ქ. გარდაბანი

2015 წლის 9 იანვარი

გარდაბნის მუნიციპალიტეტის ტერიტორიაზე გადაუდებელი აუცილებლობიდან გამომდინარე ერთ პირთან მოლაპარაკების გზით დაგვა-დასუფთავების მომსახურებების გამარტივებული შესყიდვის განხორციელების შესახებ

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი ნაწილის „ე.ბ“ ქვეპუნქტის, 54-ე მუხლის პირველი ნაწილის „გ.ვ“ ქვეპუნქტის, „სახელმწიფო შესყიდვების შესახებ“ საქართველოს კანონის მე-10¹ მუხლის მესამე პუნქტის „ზ“ ქვეპუნქტისა და გარდაბნის მუნიციპალიტეტის გამგეობის 2015 წლის 8 იანვრის N49 წერილის საფუძველზე გარდაბნის მუნიციპალიტეტის საკრებულომ

გ ა დ ა წ ყ ვ ი ტ ა

მუხლი 1

გადაუდებელი აუცილებლობიდან გამომდინარე ერთ პირთან მოლაპარაკების გზით განხორციელდეს გარდაბნის მუნიციპალიტეტის ტერიტორიაზე დაგვა-დასუფთავების მომსახურებების გამარტივებული შესყიდვა სულ 13094.59 (ცამეტიათას ოთხმოცდათოთხმეტი ლარი და ორმოცდაცხრამეტი თეთრი) ლარის ღირებულების.

მუხლი 2

მომსახურების გაწევის ვადა განისაზღვროს 2015 წლის 2 იანვრიდან 1 თებერვლის ჩათვლით.

მუხლი 3

განკარგულება ძალაშია ხელმოწერისთანავე.

მუხლი 4

განკარგულება შეიძლება გასაჩივრდეს რუსთავის საქალაქო სასამართლოში (ქ. რუსთავი, ბოსტანქალაქის ქ. N6) საქართველოს ადმინისტრაციული საპროცესო კოდექსის 22-ე მუხლის მე-3 ნაწილით დადგენილი წესით.

საკრებულოს თავმჯდომარე



ვაჟა გენგაშვილი

